



DEO OPTIMO MAX.

UNI ET TRINO.

VIRGINI DEI-PARÆ, ET S. LUCÆ  
Orthodoxorum Medicorum Patrono.

QUÆSTIO MEDICA,

CARDINALITIIS DISPUTATIONIBUS  
*manè discutienda, in Scholis Medicorum, die Jovis decimo-sexto  
Aprilis, anno M. DCC. L.*

M. CAROLO-FRANCISCO BOUTIGNY DES PREAUX,  
Doctore Medico, Præside.

*An diu possit homo, sine cibo potuque, & vivere & valere?*

I.



INGULA humanæ machinæ instrumenta pervolve. Intima ipsius scrutare penetralia. Præter extructam solidis fluidisve compagem, nil quidquam occurret indagini tuæ. Reciprocè in sese invicem impetat, luctet & quasi circa equilibrium punctum moveatur duplex illud partium genus: jam hæc ponitur physica conditio quæ vivit homo. Si æqualis ubique, expedita, integra ac perfecta fuerit hæc alternatio motûs; illicò præsens consulatunda sanitas, bonorum omnium exoptatissimum. Ubi verò vel in unico organo languida, inæqualis, perturbata, impedita reciproca illa solidorum ac fluidorum actio; morbus adest, acerbum & heu nimium! frequens humanæ gentis flagellum.

A

Si tandem ubique corporis sufflaminatus ac prorsus extinctus sit altentus hic & vitalis partium nifus, jam exarata ultima linea rerum, totumque corpus amara mors tenet. Summi opificis penitus oppositos ab una eademque causâ effectus eruentis ineffabilem hic sapientiam agnosce, suspice, venerare. Quo motu nascitur homo, vivit, viget, floret, eodem fatiscit, senescit, properatque ad iteritum. Etenim commota indefinenter vascula, assiduo franguntur detritu, brevique collabescunt. Fluida verò continuo quo aguntur trussili motu, per paucos exitus uberimè è corpore fusa ac penè exhausta, vasculosum systema cui proluendo ac dilatando dicata, propemodum inane relinquunt. Horum pars superstes tot repetitis contrita solidiorum ictibus, accenditur, mitem exurit indolem, exasperatur, acris, volatilis, putredini proxima fit. Solo igitur vitali solidiorum & fluidorum motu, tota citò pessum iret machina, lethoque naturiori occumberet, nisi imminentem hanc ruinam congruente pabulo provida cavisset natura. Hoc cibo potuque identidem subministratum, debitum liquidi penu suggerit, nativam ipsius blanditiem fovet, putridamque & alcalinam ejusdem corruptionem avertit, assidua denique solidiorum dispensia facit, & ita ad certum usque tempus vitales prorogat motus. Num poterit unquam humana machina, tam necessario sustentaculo, vitâ superstitè diu defraudari? Minimè quidem, nisi stupendis de causis liquida, negato exitu, sufficienti copîa vasis coërcita maneant; simulque generalis ille retundatur impetus, quo tam citò & ad putredinem vergit universa liquidorum moles, & jugi ramentulorum abratione tota detritur vasculorum compages. Hunc autem statum reipsâ occurrere posse concipitur. Eundem verò morbosum nec unquam vigente sanitate reperendum agnoveris, qui portentosus & à naturali humani corporis habitudine alienus. Ex quibus sic prælibatis, nunque fusiis paulò explanandis intricatæ hujusce quaestionis elucidatio spontè fluat.

#### II.

**N**OS hic inania tantummodò & merè hypothetica confectari, Junonem, ut aiunt, in nube quærentes, ne judica præceps; nec cuncta inedia portenta, tanquam commentitia, leviter ac sine delectu explode. Si enim doctissimum, ut par est, *PECHLINUM* audiamus. *Tot virorum eruditiorum testimoniis argumentisque probata est abstinentium historia, ut qui illam insitari ausus sit, etiam meridiani solis lucem negare videri velit.* Innumera profectò hic congerere fas esset exempla hujusmodi, ex *LENTULI*, *LICITI*, *PICHLINI*, *SCHURIGII*, aliorumque operibus, tum & ex variis Europæ diariis ac scientiarum commentariis facillè depromenda. In tantâ copîa, pauca, sed certa ac fida seligere præstat. Missò igitur fabuloso philosophi *EPIMENIDIS* somno, pari jure neglectis septem dormitoribus sub *VALENTINIANI* imperio, necnon consultò prætermisissis quæ ab ocularibus testibus non tradita, optato carent certitudinis gradu, perpepsi per 15. 18. 20. 22. 30. 36. 40. annos perfecti jejunii historis, &ea primùm annotare contentaneum est, quæ incredulis injucunda minds. Plures ab omni cibo diu abstinuissè, soloque potu sustentasse vitam, certo certius est. Sic Canadenses sylvarum incolæ aquâ solum & tabaci fumo diutissimè famem depellunt. Sic in Melitensi insulâ, plurimi ægotantes solâ propinatâ per multos dies glaciale aquâ, non vixere tantùm, sed & convalescere. Unico aquæ potu, hebdomadarum septem spatio fuit enutritus Colonienfis ille melancholicus cujus meminit *ALBERT. magnus*. Harlemens quidam maniacus per 40 dies jejunavit nicotianæ fumo & aquâ pro colluendo ore solummodò usus. Per universam tandem Galliam famâ pervagatum est pissimum illud Senonensis Benedictinî patris *LEAULTI* jejuniû, cui per viginti & ultra annos, toto quadragesimali tempore, præter aquam & vinum in Sacro celebrando hausta, nil aliud cessit in nutrimentum. Nec id observationum genus recensentes à scopo aberravimus. Si non evertat, saltè movebit incredulorum pertinaciam, hove ad sequentes absolutæ inediae historias benignius excipiendas sensim aptabit. Quis eorum debitam magno *FERNELIO* nostro audcbit denegare fidem, cum se vidisse narrat gravidam mulierem cujus suprenum ventriculi orificium schirro impeditum liquidis sicut & solidis omnem præcluserat viam, quæve sic invitè jejuniâs vixit adhuc per bimestre spatium. Nec exempla desunt hominum qui sub dirutis ædificiis aut in antris subterraneis diu quasi consopuli desistere, quin fame perierint. Non pauci etiam in Cochinchinæ regno deprehensi sunt, qui Christianæ religionis ergò carceribus inclusi, omni alimento orbati, sicque certissima mortî damnati, horridam hanc famem scimque per plures menses perulere. Percelebris Consoletanæ abstinentis observantiæ *CYRHESTO* à quo tradita ipsius historia, hæc phenomena successivè exhibuit, Febrem ac vomitum. Loquelæ amissionem. Delirium, Partium capiti subiectarum, faucium imprimis paralyism cum ciborum horrore sex mensium spatio ævientem. Motum postea in membris restitutum. Superstes cujuscumque alimenti fastidium. Abdominis complanationem & atrophiam. Reliqui corporis plenum satis habitum & incrementum. Linguam abbreviatam. Cohibitum omne excretionum genus. Cutim aridam, frigidam, nec motu.

De aëris &  
alimenti de-  
fectu, &c.

incalcescentem, nec unquam sordibus confpurcatam. Hæc ab omni cibo & potu per tres annos & ultra abstinuit. Puellam vidit Patavinus Professor Alexand. VIGONTIA, quæ febre primùm, dein brachii sinistri tremore, ac demum ventriculi, totius abdominis, & articularum dolore obfessa. His successit brachii sinistri paralysis, cum violento cujuslibet ingesti vomitu. Nauseabundus inde omnis alimentis horror. Subtractum idecirco quodcumque pabulum. Hinc quarumcumque excretionum suppressio. Sic binos vixit menses non marcescens, sed floridam faciem faciens. Tunc exhibitio pulvere quemdam cum lumbrico vivo evomit humorem. Per sequens trimestre singulis ferè diebus, primùm per alvum, dein per vomitum copiose satis erupit cruor. Fugatam postea brachii paralysem excepere cæcitas ac desipientia, & ita per octo menses, penitus jejuna duxit vitam cataleptica aliunde insulibus sæpissimè percussam. Sensim tamen restituta & ingestio & egessio. At paulò post fatali redeunte vomitu cætera revixite symptomata, & renata inde altera perfectæ ac bimestris inedia. Celebres inter hæc jejunantes micæ APOLLONIA SCHREIERA, quæ PAULO LENTULO eruditi operis suppeditavit argumentum. Hæc cum deperdito sensum cibi potusque appetitu & usu, menses aliquot prorsus impastâ transgressisset, senatus Bernensis jussu, in nolocomium traducta, ubi diligentissimum cum diâ subiecta fuit examen, integram ipsius inediam posuit extra dubium. Compellum fuit in eâ quodlibet excretionum genus. Contabuit simulque induerit inus venter. Languidum & quasi paralyticum musculorum omne systema. Totum corpus fupore gravatum, ferè impâr erat motui. Adhuc hebes in extimâ cutè sensus, ut repentes in facie muscas non prehenderet, nec regentis brunæ frigus adverteret accerrimum. Jam ad duodecimum ulque annum stupendum illud protractum fuerat jejunium, cum alimenta appetere & ingerere cepit, sensimque abactis singulis prædictis symptomatis, pristina restituta fuit sanitati. Nec ibi reticenda puellæ à loco *Pallet in Burgundia* comitatu observatio, quæ è curru in terram violenter excussa, quadrupedante equorum ungulâ leviter in capite ac cervice quassata, & transilientibus rotis in dorso circa undecimam vertebra vehementissimè concussa, cruento primùm vomitu, febre dein periculossimâ, diris doloribus, brachii sinistri paralysis, inappetentiâ, contumaci pervigilio, accuratâ tandem imarum faucium constrictiōe consistata, per biennium & ultra, præter sacchari & conditura liquida modicum, panis miculæ aliquot & binos aquæ cyathos, nil quidquam ingessit. Hæc postea per quatuordecim menses nullas omnino tetigit dapes, satis habito manente corpore, febriculam, leveque identidem patiens sudores, nil per alvum & vesicam excernens, nec unquam, quod mihi, consuetor orbata catameniorum profluvio. Medica Societatis Edimburgensis acta insolitam exhibent junioris puellæ abstinentiam à gravi mænore & inde orat mensium suppressione primordia ducentem, & vomitu primùm ac convulsivâ gulæ coarctatione incautè sumpto emetico accersitis, spasmodico dein totius corporis statu, præsertim frequentè tetano, cæcitate, surditate, tandemque lethali marasmo stipatam.

Nisi angustî virentur hujus scripti limites, non pauca alia id genus exempla addere promptum esset. Horum claudat agmen miranda proflus Virginis Vivariensis historia quam invicere, alloqui, & accuratissimè explorare licuit. Hæc à teneris annis rustico dedita labori, hysterico insulso, colicam nephriticam, vomicam pulmonum, parùm prosperum catameniorum fluxum, aliæque non levia perpeffa fuerat mala. Sinistro casu in fluentem rivum ex alto prolapsam statim corripuit pleuritis consuetis expugnata præsidii. Hanc excepit ischuria cum violento ac pettinacissimo vomitu, quæ quadamtenus fugata. Accessit hemiplegia brevi in paraplegiam desinens. Tunc præclusâ gulâ, solitum victum sibi denegare coacta ægrotans. Naturalis quæcumque evacuatio inde suppressa. Occæcata dein vi morbi misera Virgo, ipseque obscuruit auris una. Idemdem per plures continuos dies primùm non parva cruoris, postea tantillam puris stillavit ex aure sinâ. Hoc stillicidio cessante, visus nonnunquam ex inflammatâ inamâ guttatim exundare sanguis. Uterque ille fluxus quatuor prioribus inedia annis sæpè recurrens, totidem ultimis rediit nunquam. At singulis annis vernâ tempestate erumpens spiritum cruentum oculum alimentorum viam periodicè sed levissimè reservavit, ita ut lactuce, aut alterius oleris, aut panis azymi frustula minima, vel aliquot aquæ guttulæ, tunc deglutire liceret, quæ sæpè vomitu rejecta, quandoque tamen retenta, quæve in vacuum probabendo ventriculum, strepitum quemdam edebant, quasi in profundum puteum demergerentur. Verùm brevi post penitus arctabatur iter, nonnisi sequenti anno pari tempore, consimilique ratione recludendum. Subucula quâ contegebatur famosa hæc abstiens, tum & indussa inter quæ jacebat ab octo annis, non squalore fœdata, sed usu tantum detrita videbantur, nec unquam stratum cui perpetuò fuit affixa, putridum exhalavit odorem. Singularis hic status à prægressis affectibus virginem non eximit. Nephritico dolore fuit aliquoties afflicta, pluresque calculos ingenti cum cruciatu, nullo profuente urinoso laticè, reddidit. Violentus etiam dolores ipsi vomitus, pituitosa materia vermiculis

Journal  
des Savans  
Mars 1688.

Tom. VI.

nonnullis interpersæ. Singula hæc à probo & perito Medico teste oculari edoctus, simul cum eo abstinentem nostram invisi die vigesimo-quarto mensis Februarii anni 1745. Hanc in humili & obscuro cubiculo lecto decubentem reperii. Naturalis ipsi inerat facies, cum satis pleno universi corporis habitu. Pulsus erat lentus, exiguus, ritè ordinatus. Præcipiti motu nictitabant palpebræ. Musculus temporalis sinister perpetuo convulsivo motu quatiebatur. Arida, aspera, albicans & abbreviata lingua. Cutis frigidiuscula & satis flexilis. Motu sensuque orbata visa sunt membra. Quæstis meis ingenuè respondens retulit se vix horà unâ somno indulgere per totam noctem, ferè continuò dolere caput, quandoque pectus, at sæpius multò scrobiculum cordis. Collapsum aridumque abdomen manibus contractavi sed præsertim ventriculi regionem depressam & rigidiorē. Violentam huic quamvis non intulissimè pressionem, sequenti manè tamen de ejusdem regionis sæviori dolore conquesta est. Sub Septembris finem, convulsionibus, pectoris oppressione vocem adimente, perpetuoque vomitu divexata per plures dies, vermes adhuc multos eiecit. Ingenti conatuum vi obleratam pandente viam, uberrimè hausit aquam, & quædam alia ingessit; at hæc quæcitò vomitu sursum efferebantur. Postremis vitæ suæ diebus, fluxilem, Casse decocto similem, & emplastrum epigastricæ regioni admoventem redolentem materiem excrevit, necnon paralytica membra movit aliquantulum. Tandem 14. Octob. die obiit. Stupendam hanc historiam veram, certam, & ab omni fraudis suspitione immunem esse comperii plurimum fide dignorum, ac præsertim Reverendissimi Episcopi Vivariensis diligentissima observatio. Qui singula hujusmodi exempla negaverit audeat, numerosam doctrinâ morumque integritate insignium virorum cohortem, levitatis, aut ignorantia, aut improbitatis necesse habet insimulare.

I I I.

**V**EGETABILE Regnum, ac multiformem animalium familiam attentis intueri oculis, nec tibi monstrum erit incredibile humana inedia, nec eam reputabis mentis figmentum. A telluris consortio femori bulbi sponte suâ singulis ferè annis in aëre adolescunt. Similiter & nonnulla plantæ à terrâ matre ablactatæ fornicibusque in alienos usus suspensæ, injuste virescunt, progeniant & vitæ vegetabilis testantur robur. Si ergo organicum plantæ corpus folio maternoque pabulo vidualum, possit adhuc propriâ sibi vitâ potiri; cur organica pariter humana machina, consueto victu subtracto, certis in casibus, vitæ suæ compos non esset? At vivax illud & mobile regnum properemus perlustrare, cujus pars magna sumus. Nec statim contempnum pariat humilis & pusilla insectorum moles; nullibi enim magis enitet adoranda summi numinis sapientia. Hæc autem rigente hyeme, abdita, consopita, immota, jejuna, ac velut extincta manent, quousque gratâ vice veris, renovato calore reviviscant, & in liberum vitalibusque effluviis persufum se vindicent aërem. Sic provida formica, tam sollicitè non pabulum sibi, sed stratum comparat quo summ hyemalem commodè possit obire somnum. Industrios hosce vermes sedulo considera, qui sepulchralem domum tantâ cum solertia sibi nectunt & extruunt, quâ vivi sepeliuntur, diutissimè reconditi, impalti ac velut mortui sub chrysalidum aut nympharum nomine latent, qui tandem congruo calore foci funebrem pererrant thecam, resurgunt alacres, & novâ, elegantiori sapèque variegatâ formâ indutos, verbo papilioes se exhibent. Jam erecto vultu per aëra volitantem contuere avium turmam. Harum major pars semestri duplici distinctam degit vitam. Altero vividè agunt, lætè moventur, celeri volatu paragrunt aethera, dulcedine cantus sese invicem mulcent, nidulos ædificant, sæpè ruunt in amatorios amplexus, concipiunt, pariunt, pullulos educant, optantque & avidè conquestis dapibus se satiant, alternâ alioquin requie se reficientes. Per aliud verò semestris spatium, suis occultatæ latebris, sibi invicem implicatæ, ac convolutæ aviculæ, perpetuò quiescunt, torpent, soporantur, jejunant, nec nisi in interioribus vivunt mortuis exdīs similes, donec jucundo reditu veris recalescant & quasi renascantur. Nec infrequens est pisces etiam mediis in undis frigore nimio obtorpescere, latere, ac velut immori, imò & glacialibus ramentis obduri. Id quoque de amphibiiis notum, ea Hyberno frigore contracta & corrugata cryptis recondi, siere, atquoque fœpelli somno, ut serpentes, bisones, lacertæ, &c. At notiora adhuc Hyberna quadrupedum latibula, in quibus alia unam & perpetuam obdormiunt hyemem, alia verò certis periodis movent se, iterumque ad somnos se componunt. Verum id certissimum est erinaceos, glires, alpinos mures, aliaque hujus familie animalia, ut inimicissimo hyemali frigori se subducant, cuniculis abdi subterraneis, collecto in orbem corpore obdurari, & somno immergi adeò profundum mortisque anulo, ut cum verberibus, ferro, igne vix excusseris. Nec crede ea solummodò diù jejunare posse animalia, quæ totam hyemem stertunt. Serpentes absque ullo pabulo in vase coërcitos, sex mensium spatio & vivere & moveri expertus est AMBROSINUS. Observante oculatissimo RAY, superfluit vitâ motuque inediam ferunt feles 20 dierum, canes 36. vipera octo mensium, testudines tandem mensium 18. Ipsa velocissima animalia, quæ pernici

D. de Villeneuve, nunc Episcopi Mompel.



motu jactant corpus, cerastes putà, draco, salamandra, chameleon inedia patientissima feruntur. Hinc sparsus error ultimam hunc solo aëre victitare. Ut harumce observationum vis unita tutiori momento pertinacem expugnet incredulitatem, hæc altà mente perpende. Animalis cujuscumque sicut & hominis corpus machina est hydraulica ex vasculis fluidique per ea traductis constata. Utriusque vita in alterno harumce partium motu. Ut structura eadem, sic eadem mechanica ratio in utroque. Quæ igitur tandiù ab animali vivente toleratur inedia, certè solidorum fluidorum mutationi haud dubiè tribuenda. Quis ergò sanæ mentis physicam hanc conditionem in humano corpore omninò impossibilem esse assuimaverit? Eandem quis negaverit esse præternaturalem?

I V.

**H**UMANÆ igitur inediæ exempla fidè nonnunquam observatione prodita fuisse stet inconcussum. Eadem ductis ex analogià argumentis firmari, sit pro comperito. Nec hisce jam consulenda restagabitur ratio. Age porrò, abstrusum atque reconditum stupendi hujusce phænomeni strenuè perquiramus fontem. Quo pacto in humano corpore nullo cibi potiusque genere instaurato, sat fluidi superest ad amplianda vasa, & ad circularem ac vitalem motum saltem in nobilioribus organis diù fulciendum? Deinde verò debità quamvis copia occurreret in jejuno corpore fluidum, quò sit ut non novatum ab illà alcalinà purridàve corruptione tandiù persister immune, in quam motu calore, nativæ indolè aliàs tam citò vergit? Hæc duo nunc operosè excutienda. De priori sollicitam reperies scriptorum turmam. Ultimùm dubio procul magis intricatum vix subolfecere nonnulli, nemo quod sciam, ex proffesso tentavit enodare. Ut primum haud infelici expediamus eventu, suprà depictum quorundam animalium periodicum ac semestrem somnum præstat intueri diligenter, 1<sup>o</sup>. Hunc ciet hostile frigus. Corporis autem cujuslibet densare molem frigori proprium. Stringit ergò & occidit penitus cutanea horumce animalium spiracula. Sic excretionum uberimam cohibendo, debitam servat in iisdem fluidorum copiam, ut intus pergat adhuc aliqualis vasorum motus. Inde igitur consicere prosum est, præsertim ob compressam penitus insensibilem perspirationem, jejunum hominem requisito ad vitales motus fluidi penitus non spoliari. 2<sup>o</sup>. Frigus illud quo animalia obtorpescunt, non perspiratorios solummodò ductus, sed & alios adhuc obstitat externum corporis habitum alluentes, liquorum partem condensat, aliam repellit intus, sic vasculosum systema minuit & abbreviat, cui proinde replendo ac peragrando multò minor fluidi moles haud impar erit. Si ergò illud idem in pluribus humanæ machinæ vasculis contingeret, vitales ipsius sustinere motus potis esset parcior humorum copia. 3<sup>o</sup>. Sic sopitum animal, extincto simile nullum ciet motum edit. Motu verò subtilissimum & spirituosum avolat è liquidis, quo depauperatum animal fatiscit. Tantam ergò non patitur jacturam, ubi cuncta ipsius prostrata sapore urget membra quies. Si igitur voluntario motu orbaretur homo, si morbo quopiam sed præsertim paralyti strato affigeretur; sic ferè immobilis jacens, minusque spirituosus deperdens, vix iteratà indigeret instaurazione. Quæ tria sic prænotata caliginem hinc abigunt, maximamque fœnerant lucem. Apprimè enim cum præcipuis humanæ inediæ phænomenis concordant. Id autem statim singulari dignum attentione occurrit, muliebrem sexum omnia ferè prodigiis abstinentiæ exempla præbuisse. Unde nodo huic extricando proderit ritè intellecta fœminini corporis textura peculiaris. Cui verò notum non est, illud masculino humidius, laxius, debilius, parum exercitatum, multò minus perspirare, ac superfluo redundare sanguine cujus periodicum effluxum exposcit integra sanitas. Ne miremur igitur, mulieres non solum parciore sustentari cibo, ac per hebdomadas à potu innoxie abstinere posse, verum etiam perfecto jejuniò diu ferendo aptiores esse. His adde celebres hæc abstinentes quarum historia litteris consignatæ prolant, plerasque puellas foemulæ mox puberes, in quarum idcirco corpore ultimam incrementi sui apicem recens adepto, necdum satis obstruato uberis excreverunt succi, nec eadem ratione funduntur è corpore excrementa. Nunc verò revoca in memoriam singulis ferè jejnantibus, modò aridam esse cutem, modò frigidam, sapissimè insensibilem, nec plerumque ipsi superjecta fordescere linea. Hæc proffectò penitus interceptum agunt halitum insensibilem. Concludere ergò ne cuncteris, hujusce excretionis omnium certè copiosissimæ compressionem, debitæ fluidi molli intra corporis penitiora retinendâ, proindeque diuturnâ fovendâ inediâ porissimum conferre. Hinc diu sine alimento vivunt, quæ ferè imperspirabilia sunt animalia, si cæpentes putà, viperæ, testudines, &c. Jam intentâ mente perpende humanæ inediæ ferè semper comitem fuisse paralyticum quemdam affectum. In hoc autem plurimi tubuli nervei, fortè & non paucæ arteriolæ sanguinæ ac lymphaticæ consuetò liquidi vii impulsu orbantur. Quod toridem ductus, tanquam ex universo vasculoso symptomate demptos concipe, ut res est. Quoc libere superest & patens, proluet movebitque parciore multò liquidi copia. Id tandem sedu-

Id perspicue hac concurrente paralyti, nonnullis partibus motum aut sensum aut utrumque simul adimi, imò & quandòque totum immobile reddi corpus. Hinc ferè nulla spirituosì liquidi jactura, quò per mortis sensusve exercitium inprimis viduatur humana machina. Ut quid ergò hoc in statu posita assiduà refectione indigeret? Quà verò mechanicà ratione insensibilis cohibeat halitus, paralytica accedat membrorum immobilitas, & impervia fiant plurima vasa, id ad pathologos mittimus explanandum. Connotare sat erit, effectus hosce haud difficilè inferri potuisse à subitaneis & violentis hisce casibus, ut & ab acutis & chronicis morbis qui ferè perpetuò humanæ inediæ ansam præbuerunt.

Nunc nitidè dirimenda quæ hæcendù ferè intacta fuit difficultas altera, alterius jam solutæ pòset opem & conjurati amicè. Nec negabitur ipsi. Quod enim priori elucidandæ profuit, posteriori enodandæ non parùm juvabit. Id ergo statim adverte diligenter, ideo non instaurata fluida nostra blandam exuere indolem, acrem, alcalinam, putridamve contrahere, simulque deteri, siccati, ac contabescere solida; quia diluens diffatur vehiculum aqueum, perditur demulcens lene oleum aut mucilago mitis, ex humoribus plus æquo contritis extricata salia exasperantur, tandemque præcipuè fervidiori æstu universa conflagrat fluidorum moles. Hinc nimiam abstinentiæ pressio pede sequuntur vigilie, anxietates, spasmi, febres atrociores tum ardentis tum hæcticæ, atrophia, marasmus. Hinc lethali inediæ sævisimè damnatos, sibi intolerabili potidquam fame necari constanter observatum. Exitiosam hanc fluidorum corruptelam & inde tot emergentia damna avertunt, in animalibus byernali sonno sepultis, insensibilis exhalationis aliarumque excretionum suppressio, systematis vasculosi jam notata angustatio, certè fluidorum partis coagulatio, tandemque mortis muscularis defectus. Cur ergò eadem in homine nonnunquam coincidentes causæ, protractæ inediæ descripta mala præcavere non possent? Arceantur omnino singulæ excretiones, at præsertim Sanctioriana perspiratio; nonne tunc omni præcluso exitu, sufficiens & vasorum molliori tuendæ & liquidorum præstandæ dilutioni, superest in corpore aqueilaticis copia? Si præterea sero luxuriat nativa temperies, nonne difficilius multò vehiculo diluente denudabitur? Hinc muliebris sexus inediæ magis patiens, tum quia minus perspirat, tum quia humido scatet. Hinc etiam serotini & phlegmatici tolerantæ abstinentiæ magis idonei. Tenuis autem mucilago, blandumve oleum quibus irretitum acre in liquidis misceat, solidumque inunctum mollescit, non absumuntur, sed intus manent, ubi compressum quodlibet excretionum genus. Si verò exuberaret utrumque, & pinguis, mucilaginoso, ac gelatinoso prævaleret humorum diathesis, tardius certè jejuni exhaureretur, nec tam citò insensu exurgeret acrimonia. Undè copiosè aggestam sacculis adiposis suavissimam pinguedinem, misissimumque in ossium cavis uberrimè collectum medullarum succum, tanquam duo interiora pabula spectare fas est, quorum lentà remixtione reficitur sanguis, mitigatur, dique putredinis & acrimoniz servatur expers. Hac imprimis ratione pingues & obefusi diu jejuni vivere queunt; tum quia plerumque minus perspirant. Ast si eadem in abstergente ac in benè pasto corpore vigeret oscillatoriæ vasorum undulationis, moraliq; humorum circulatorii energia; fluida ab imminente corruptione, non cohibitus posset eximere serosus humor, non collectum pingue oleum; illam potius acceleraret excretionum omnium suppressio, particulas acres vividis ac repetitis ictibus evecas intus coercendo. Ut ergo tetrà humorum putredine non tam citò corrumpat jejunum corpus, magnopere præstat, viralem motum in eo valdè deprimi, ac frænari. Quis autem rem ita esse insicias ibit, ubi pleræque membra paralytica atonià tenentur, ubi lecto manet defixus æger, ubi pinguis, mucilaginoso, ac torpida fluida, pauciori insuper copià adsunt. Hanc ergo aliam ob rationem seu propter languidiorem vasculosi systematis tonum, inediæ facilius ferunt humidi, phlegmatici, frigidi, obesi, & mulieres. Sic minuto & quasi sopito vitali solidorum ac fluidorum motu, jam non amplius pertimescendus fervidus ille æstus jejunum corpus tam citò depalcens, torrens, perimeus. Calor enim cæteris paribus affricuum vehementiæ & partium sese contententium numero respondet. Affricuum autem vehementia causis mox enarratis dubio procul frangitur. Partium verò sese contententium numerus est in ratione superficierum. Multiplicantur profectò superficies, ubi uberior fluidorum copia per angustiora ac numerosiora traducitur vascula; decrescunt è contra ubi & paucior fluidorum rivulus, & per ampliora ac pauciora vasa volvitur. Illud ultimum in omnibus inediæ exemplis contigisse in comperto est. Subtracito visu fluidorum minuta moles. Oculis canaliculis omnibus excretoriis, pluribusve secretoriis, lymphaticis, ac nerveis tubulis, tandemque nonnullis sensim obstrictis sanguineis arteriis, jam non nisi majora ac pauciora vasa circumactò fluido irrorantur. Sic ergo decrescitbus solidorum fluidorumve superficieribus, reciprocò affricuum juxta eandem rationem decrescere, proindeque calorem inde ortum minui ac retundi necessum est. Hac ergo potissimà ratione tam lædè fert inediæ senilis ætas, in qua scilicet præ rigiditate & occallatione tubulorum capillarum deleta maxima pars, nec nisi per interiora ac capaciora vasa

circularis pergit humorum motus. Retento igitur in jejuno corpore aqueo latice, servatâ pa-  
riter mucilagine miti, fluidorum imperu fracto, solidorum torpente motu, remittente tandem  
calore, diu poterit amoveri putrida humorum infectio. Sic ergo non inausâte secundus ille  
enucleatur nodus qui primâ fronte velut insolubilem se obtulit.

Prægressis omnibus adamussim expensis, dubitare nefas quin tales concurrere possint cau-  
sa, quæ in humanâ machinâ nullo sustentatâ victu, & debitum ad vitam fluidi penu, & re-  
quistam ejusdem blanditiem diu foveant. Ubi vero hæc duo obtinueris, jam à propòsitâ de  
inediâ problematis solutione non longè abes. Ne tamen causas alias huic illustrandæ comparas  
ulterius inquirere sperne. Curiosè inprimis explicari juvat, nùm jejunum corpus refocillare  
potis sit undique nos ambiens aër, occultum vitæ cibum in sinu suo recondens, devehens,  
& ad penitiora usque infundens. Placita hæc veteribus opinio, nec risu nec sibilò digna. Aër  
enim quo carere calamitosius est quàm ipso defraudari alimento, verum est chaos, ac promp-  
tuarium inexhaustum, obvolitantibus corporum quorumcumque ramentulis referunt. Hunc  
perpetuâ ditant animalium ac vegetantium exhalationes. Ad eum assidue tendunt quæ è tellu-  
ris gremio vitalia avolant corpacula. Aquâ, igne, sale, sulphure, terâ ipsâ volatili scatur.  
Quidquid ergo solum constituit humanæ machinæ victum, hic uberrimè collectum habes,  
at tenuissimum, subtilissimum, ipsâ amicâ naturæ manu conditum, nec ulterioris indigens elab-  
orationis. Causam seiscitaris quæ pretiosum pabulum intrudat. Non aliam quære, præter ip-  
sum vehiculum, atmosphæram scilicet quæ & pondere suo, & elatere ob caloris animalis ac-  
cessum inensori, proindeque vi propemodum immensâ illud impellit. Nunc viam requiris  
quæ advehat & impulsus excipiat? Ea certè quæ tam facilis aquæ circumfusæ, inuncti mer-  
curii globulis, nec non therebinthinæ, cantharidum, aliorumve topicorum moleculis pa-  
tet, atomis hisce alibilibus non negabitur. Nec repulsam patietur earundem volatilitas, cum  
salubri indole. Has ergo ad corporis intima facilis aliâ quacumque materie perducunt abfor-  
bentes meatus quibus totum externis pertunditur corpus. Nec disquirere vacat, an ipsemet aër  
subtili quo turget alimento confusus, canaliculos hosce subiens, & corporis penetralia per-  
means, fluidis insaturandis simul conferat. Vero quidem proxima hæc conjectura. At sem-  
per erit aër non temendus opifer, dummodò nutritias vixerit particulas, & in hiantes tubu-  
los absorbentes impulerit. Illud enim occultum cibi genus, soliti victûs quadamenus vices ge-  
rens, fluida reficiet, horumque nativam tuebitur fluxilitatem, dum interim supra recensite  
causæ eadem cohibebant intra corpus, & ab insensâ putredine vindiciabunt. Cum ergo tam  
modico possit homo vivere, nonne liquet quàm facile sit ac salubre temperantiæ legibus obse-  
qui, nec unquam satiari cibis. Interim ex triplici jam recto fonte, propòsitæ quæstionis in-  
tegra solutio non maneret, nisi simul consuetum humanæ machinæ subtraheretur nutrimen-  
tum. Illud autem evenit, vel voluntatis insipientis jussu, quod rarissimum; vel involuntariâ  
alimenti cujuscumque inopiâ, ut in acerbis urbium obsidionibus, & in scissimâ tyrannidè  
quæ victum omnem negando necem intendit, quod infrequens; vel tandem morbo quopiam  
cogente, ut dum inexpugnabili horrore, nausæ perpetuâ, assiduo vomitu repelluntur inges-  
ta, aut spasmo, paralyâ, aliòve impedimento ipsis omnino præcluditur via. Et hæc ultimâ ra-  
tione jejunium plerumque subrepsisse testantur supra narratæ tum & alibi repertiendæ abstinen-  
tium historici. Quis verò observata hæc omnia, ut & deductâ inde aithiologiæ accuratè  
pensis, præternaturalem ac morbosam illico non agnoscat corporis sic jejunantis conditio-  
nem? Quis perscrutari valetudinem asseverabit, ubi plurima occluduntur vasculâ, multæ inter-  
cipiuntur secretiones, excretionum omnium organa feriantur, languet motus, torpet sensus,  
& naturalis interitur totius œconomix animalis ordo?

V.

EX univervo hujusce disquisitionis contextu certè inferre cogimur vel invita, vitam  
quidem perfectæ inediæ, nequaquam verò sanitatem diu consociari posse. Ad asser-  
tum illud duxit te optatus ubique rationis, analogiæ, & experientiæ concursus. Eidem  
ergo firmus inhere, & impavidum te feriat undique impetentium objectionum turma.  
Frustra cunctas inediæ observationes falsitatis insimulabunt, quod nonnullas solerti frau-  
de fictas fuisse diligens comperierit adhibitum examen. Inde enim tantummodò eruere  
licet quasdam fabulosas fuisse, nec temerè omnibus accedendum esse. Revera aliquæ  
omniò falsæ, hæ præsertim quæ jejunium intactæ sanitati junctum exhibent; aliæ in-  
tra famam, plurimæ nonnisi certis circumstantiis veræ, aliæ falsæ deprehensæ sunt. At multa  
ex omni parte veræ perfectæ inediæ exempla extitisse evincunt observatorum doctrinæ; fides,  
diligentia, numerus. Nec faciliè ductum ex Hyberno stertentium animalium jejunio infirma-  
bitur argumentum, quod huic dissimilis videatur humana abstinentia, utpotè quæ non per-  
petuo sopore, sed pervigilio potius stipata. Etenim laxa quorundam membrorum aut totius  
corporis immobilitas, sopitus aut omnino impeditus in plerisque partibus sensus, perpetuus

ferè decubitus, tandemque tot canaliculorum obturatio, somno quadamtenus equivalent. Sic superficietenus obliſcata, nec fluidis perſuſa humana machina, chryſillidis inſtar nonnulli internam ſed miſeram agit vitam, pluribuſque ſenſim labefactata malis plerumque vergit ad interitum. Animalia è contra alacria ut plurimum ac ſatis vegeta ex periodico ſuo ſomno reſurgunt. Adde jejunum hominem libero perſui & aſſiduè inſtancari àëris uſu, quo certè carent pleraque ſoporata cavernuliſque ſubterraneis abdita animalia. Reminſcere denique non ſolum diù ferre inedia, quæ totam obdormiunt hyemem, ſed quæ ſæpiſſime moventur ac vigilant. Manet ergo inconcuſſum id rationis momentum quod ſupeditavit analogia. Nec minus ſermo ſtabit talo ſuperius adducta Theoria. Quod primum de excretionum omnium integritate compreſſione prolatum, non evertent cruenta quæ nonnullis in abſtinentibus puellis obſervata fuere profluvia. Hæc enim anguſtatum vaſculoſum ſyſtema, reſpectivam ſuccorum redundantiã, & vim vaſculis quibuſdam interioribus illatam arguunt, proindeque explanationi noſtræ potiùs ſavent quàm adverſantur. Id pariter perſtabit inſtitum, quod jam antea à nemine obſervatum, tantà cum curâ connotatam fuit à nobis de frequentiffimo paralyſeos cum humanâ inediâ concurſu, licèt in eâ convulſivum affectum prævaluiſſe, quandoque viſum fuerit. Nullum enim latet vel leviter in Pathologicis verſatum, ſpſmo conſtringi vaſcula. Potuit ergo hoc in caſu, cutanea ſpiracula, alioſque complures canaliculos exteriores omnino præcludere, vaſculoſum ſyſtema ſic abbreviare, & fluida interiora verſus repellere. Nec prætermittit hujus generis affectum ægrotantes perſæpe lecto affigere, ſenſum organi non raro naturalem proſus adimere uſum, tandemque in atoniam imò & in paralyſim haud ægrè commutari; quæ quidem in abſtinentiâ ſpſmo lociatâ contingere. Ultimo tandem inſurgunt reſiſtantes. Quæ ſingulari & inaudita prærogativâ, patuli ſuperſunt pabulum aëreum excepturi ductus abſorbentes, ubi perſpiratorii omnino occluſi? Gravem hanc objectionem non arduo labore dilues, ſi excretoria quæ inſenſibilem eructant halitum, è genere arterioſo, quæ verò alibilia aëris niſaſnata ſorbent vaſcula è genere venoſo eſſe ſtatim annotaveris. Primum enim genus ingurgitationi magis obnoxium eſſe, cuiſlibet notum. Dein adverte verofiſſime majorem abſorbentium canaliculorum amplitudinem, forſè & inſundibiliformem figuram, non ſolum volatilibus alimentis ingreſſui favere, ſed & eoſdem ab integritate anguſtatione eximere. Specta demum, ut par eſt, tanquam vires ſibi mutuò contranitentes, fluidi à centro ad peripheriam impulſi momentum, & àëris atmophæram aſſiduâ preſſione corpori innitentem. Haud dubiè remittit illud in hoc caſu, cum & pariori rivo, & languidiori impetu fluidum urgeatur. Interim preſſio aëris proſectò manet eadem. Hæc ergo particulas nutritias uberis in tubulos abſorbentes intrudet, cum debiliùs diducta vicina vaſcula minus obſtent. Unde ſenſim ultima coarctari, priores verò magis ac magis ampliari neceſſum eſt. Sic viventem humanam machinam, vegetabile corpus hand immerito diceres. Non enim ampliùs ſuſcepto intus pabulo reſecit, ſed per parentes extrâ radices nutrimenta ſumit. In hoc tamen planè diſſimilis, quod perſpirationis & ſuctionis non patiatut alterna, verum quidquid alibile vehit aër, perpetuò avidèque ſorbens, ferè nihil unquam in beneficium ipſius ſuum refundat. Aſſiduam hanc & fortem juni corporis ſuctionem innuere videntur duo in abſtinate Vivarienſi obſervata, promptiſſima ſcilicet emplatri epigaſtricæ regioni apoſiti exſecatio, & excreta per alvum, paulò antè obitum, materies topica illud perfectè olens. Num arida & rugis arata ſenum cutis ſubtili huius exſugendo cibo expeditior eſſet? Id ſuaderet experimentum quo conſtitit aërem per corticem arborum veruſtiorẽ liberius transmitti. Jam verò omnibus hæcenus expoſitis, non tam tutò ac feliciter jejunio corpori proſolvendo proſum fuſſe autumnamus, ut de indagandâ cauſâ ipſius ruinam ſenſim moliente ſolliciti ſimus. Vitam quidem deſcriptâ mechanicâ ratione ducit humana machina nullo reſocillata ſenſibili alimento, ſed ſingularẽ prorsus, morboſam, luſtuofam, dimidiatam, & ut plurimum malorum conſtitatam iliade, mortique propinquam. Quid ambigis adhuc? Haud mora, animoſè ſic concludere eſt in proclivi:

*Diù ergò poteſt homo, ſine cibo potuque, vivere quidem, non verò valere.*

Proponebat Pariſiſ, FRANCISCUS-DE-PAULÂ COMBALUSIER, Burſandeolenſis apud Helvios, Doctör Medicus Montſpelienſis, Antiquus Medicinæ Profeſſor, nec non Saluberrimæ Facultatis Medicinæ Pariſienſis Baccalaureus, A. R. S. H. 1750, à ſextâ ad meridiem.

Typis QUILLAU, Universitatſ & Facultatſ Medicinæ Typographi, 1750.